



2

Republika e Kosovës - Republika Kosova
Komisioni Zgjedhor për Ankesa dhe Parashtresa
Izborna komisija za žalbe i molbe

A nr. 22/2009

Komisioni Zgjedhor për Ankesa dhe Parashtresa, në panelin e përbërë nga Osman Tmava, kryesues, Fahredin Ymeri dhe Muharrem Shala, anëtarë, përkitazi me ankesën e z. Lutfi Haziri, nga Lidhja Demokratike e Kosovës (LDK), në seancën e mbajtur me 2. 11. 2009, mori:

VENDIM

Pranohet ankesa si e bazuar.

Subjekti politik Partia Demokratike e Kosovës (PDK) është përgjegjëse për shkeljen e Rregullës Zgjedhore “Kodi i Mirësjelljes për Subjektet Politike, Mbështetësit e tyre dhe Kandidatët” Nr. 11/2009, neni 3.1 pika (b) për çka i shqiptohet gjoja në shumën prej 4,200 Euro të cilën detyrohet të i paguaj në afat prej 15 ditësh nga dita e pranimit të këtij vendimi, në Sekretariatën e KZAP-it për tu përcjellë në Buxhetin e Konsoliduar të Kosovës.

ARSYETIMI

Subjekti politik LDK ka parashtruar ankesë me të cilën pretendon se partia politike PDK, më datë 20.10.2009, në Prishtinë, ka bërë shkelje të Ligjit për Zgjedhjet e Përgjithshme në Republikën e Kosovës, neni 33 shkronja (a) dhe neni 3.1 shkronja (a) të Rregullës Zgjedhore Nr.11/2009– Kodi i Mirësjelljes për Subjektet Politike, Mbështetësit e tyre dhe Kandidatët, duke vendosur posterat e kandidatit të saj për kryetar komune z. Astrit Salihu jashtë në muret e Teatrit Kombëtar, në rrugën “Agim Ramadani” në Prishtinë.

FAKTET

Më 21.10.2009 KZAP ka pranuar një ankesë nga z. Lutfi Haziri, kryetar i Shtabit Zgjedhor të LDK-së, duke pretenduar se partia politike PDK, më datë 20.10.2009, në Prishtinë, ka bërë shkelje të Ligjit për Zgjedhjet e Përgjithshme në Republikën e Kosovës, neni 33 shkronja (a) dhe neni 3.1 shkronja (a) të Rregullës Zgjedhore Nr.11/2009– Kodi i Mirësjelljes për Subjektet Politike, Mbështetësit e tyre dhe Kandidatët, duke vendosur posterat e kandidatit të saj për kryetar komune z. Astrit Salihu jashtë në muret e Teatrit Kombëtar, në rrugën “Agim Ramadani” në Prishtinë.

Për më tepër, KZAP-i ka pranuar disa fotografi nga vendi i ngjarjes ku shihen qartë pllakatet dhe posterët e kandidatit për kryetarë të komunës së Prishtinës, z. Astrit Salihu, në muret e Teatrit Kombëtar, rruga "Agim Ramadani" në Prishtinë.

KZAP-i informoi PDK-në me 22 Tetor 2009 rreth ankesës dhe i dha mundësi të përgjigjej bazuar në pajtim me nenin 4.3 të Rregullores së Punës të KZAP-it. KZAP mori përgjigje nga PDK-ja brenda afatit të 28 Tetor 2009, të vendosur nga KZAP, për më tepër, PDK-ja nuk i kishte pranuar KZAP-it se ishte përgjegjëse për vendosjen e pllakatave të saj në muret e Teatrit Kombëtar, por në vend të kësaj kishte deklaruar se shkelja ishte kryer nga "ndonjë subjekt tjetër politik, anëtar dhe mbështetës i subjektit tjetër politik, për të zbehur imazhin e sjelljes korrekte dhe ligjore të PDK-së". Veç kësaj, PDK ka deklaruar se si ajo, ashtu edhe shtabi i saj zgjedhor kanë bërë të gjitha përpjekjet serioze për parandaluar dhe dekurajuar anëtarët, mbështetësit dhe kandidatët e PDK-së nga shkeljet e pretenduara.; mirëpo, PDK-ja nuk ka bërë ndonjë përpjekje për të sqaruar në mënyrë specifike se si ishin implementuar këto përpjeke.

ANALIZA

Jurisdiksioni i KZAP'it lidhur me ankesat është caktuar në pajtim me kompetencat e dhëna nga Kuvendi i Republikës së Kosovës në *Ligjin mbi Zgjedhjet e Përgjithshme në Republikën e Kosovës – LZP* (Ligji nr 03/L- 073) dhe *Ligjin për Zgjedhjet Lokale në Republikën Kosovës* (Ligji nr 03 / L-072).

Rregulla Zgjedhore Nr.11/2009, neni 3.1 Veprimet e ndaluara pika (b) parasheh:

(b) *vendosja e njoftimeve, pllakateve dhe posterëve ose përndryshe vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare ose brenda ose në hapësirat private pa lejen e pronarëve ose shfrytëzuesve;*

Rregulla Zgjedhore Nr. 11/2009, neni 2 parasheh:

- 2.3 *Subjektet politike informojnë në mënyrë të duhur anëtarët, mbështetësit dhe kandidatët e tyre rreth dispozitave të këtij Kodi.*
- 2.4 *Subjektet politike ndërmarrin të gjitha hapat e nevojshëm për të parandaluar anëtarët, mbështetësit dhe kandidatët e tyre nga shkelja e këtij Kodi.*
- 2.5 *Subjektet politike mbahen përgjegjëse për shkeljen e këtij Kodi të kryera nga anëtarët, mbështetësit dhe kandidatët e tyre;*

Është e qartë se Rregulla Zgjedhore Nr. 11/2009, neni 3.1 (b) dhe neni 2.3, 2.4 dhe 2.5 zbatohet për Subjektet Politike. Është njësoj e qartë se në rastin në fjalë, ka ndodhur një shkelje të këtyre dispozitave të lartcekura. Ndërsa nuk njihet identiteti i kryesit

faktik të këtyre shkeljeve, dihet se PDK-ja është në kontroll të përgatitjes dhe shpërndarjes së materialeve të saj të fushatës.

PDK-së iu dha mundësia të jepte shpjegimet e saj për ngjarjen, gjë që e ka bërë më datë 28.10.2009. Prandaj, në përgjigjen nga PDK, kjo parti fajëson personat e pa autorizuar, ky pohim nuk është mjaft i bazuar, meqenëse PDK-ja ka nën kontroll përgatitjen dhe shpërndarjen e materialit për fushatën e vet. Kjo po ashtu nënkupton se, pllakatet e PDK-së nuk u janë lënë në dispozicion publikut të gjerë për qëllime të shpërndarjes. Prandaj është e arsyeshme të konkludohet se pllakatet e PDK-së në fjalë, ishin vendosur nga njerëz që janë në ndonjë mënyrë të lidhur me PDK-në.

Edhe sikur PDK të mos ishte vetë përgjegjëse për këto shkelje, duket se PDK nuk ka ushtruar përpjekje të arsyeshme për të mbikëqyrur shpërndarjen e materialeve të saj të fushatës. Gjithashtu, megjithëse KZAP-i dha mundësinë të shpjegonte se si i kishte marrë të gjitha masat për të qenë në pajtim me Rregullat Zgjedhore, ajo nuk ka dhënë në mënyrë specifike këtë informacion. As nuk ka dhënë ndonjë informacion organizativ prej të cilit KZAP-i të konkludonte se shpërndarja e materialit ishte mbikëqyrur në mënyrën e duhur. Nga mungesa e një informacioni të tillë, KZAP-i arriti në përfundim se PDK-ja ose nuk ka adaptuar ndonjë masë siç kërkohet sipas Rregullit Zgjedhor Nr. 13/2009, neni 3.6, ose ka adaptuar masa të pamjaftueshme.

Duke vendosur për gjobën që do të vihet në këtë lëndë, KZAP-i ka marrë parasysh faktorët e mëposhtëm:

1. Se shkelja në këtë rast ka të bëjë me postera dhe jo me stenda të mëdha afishimi apo objekte të ngjashme ekspozimi;
2. Se shkelja ka ndodhur në një vend – ndërtesë publike;
3. Se PDK ka marrë pjesë në zgjedhjet e kaluara;
4. Se PDK i është përgjigjur kërkesës së KZAP-it për të dhënë shpjegime lidhur me rrethanat.

Për këto arsye, bazuar në dispozitën e nenit 115.1 të LZP, u vendos si në dispozitiv të këtij vendimi.

Komisioni Zgjedhor për Ankesa dhe Parashtrës në Prishtinë

A nr. 22/2009 më datën 2.10.2009.

